

ს ს ი პ

საქართველოს ტექნიკური უნივერსიტეტი

ბ რ ძ ა ნ ე ბ ა

29.10.2015 № 209

თბილისი


სტუ-ს ინსტიტუტ ტექნიფორმის  
დირექტორის ვაკანტური თანამდებობის  
დასაკავებლად კონკურსის გამოცხადების შესახებ

„უმაღლესი განათლების შესახებ“ საქართველოს კანონის 22-ე მუხლის, საქართველოს განათლებისა და მეცნიერების მინისტრის 2013 წლის 9 სექტემბრის #133/ნ ბრძანებით დამტკიცებული „საჯარო სამართლის იურიდიული პირის - საქართველოს ტექნიკური უნივერსიტეტის წესდების“, საქართველოს ტექნიკური უნივერსიტეტის ინსტიტუტ ტექნიფორმის დებულებისა და ინსტიტუტის სამეცნიერო საბჭოს 2015 წლის 29 ოქტომბრის #02-06/59 წერილის საფუძველზე

ვბრძანებ:

1. გამოცხადდეს ღია კონკურსი საქართველოს ტექნიკური უნივერსიტეტის ინსტიტუტ ტექნიფორმის დირექტორის თანამდებობის დასაკავებელი დანართი №1-ით განსაზღვრული საკვალიფიკაციო მოთხოვნების შესაბამისად.
2. კონკურსში მონაწილეთა განაცხადების მიღება დაიწყო 2015 წლის 5 ნოემბერს და დასრულდეს 2015 წლის 12 ნოემბერს. საბუთები მიიღება საქართველოს ტექნიკური უნივერსიტეტის ინსტიტუტ ტექნიფორმის სამეცნიერო საბჭოს სამდივნოში ყოველ დღე, შაბათ-კვირისა და უქმე დღეების გარდა, 10<sup>00</sup>-დან 17<sup>00</sup>-მდე.) მის: კოსტავას ქ. #47, ტელ: 2 33 51 22).
3. არჩევნები ჩატარდება 2015 წლის 13 ნოემბერს.
4. განცხადება ღია კონკურსის ჩატარების შესახებ, დადგენილი წესის შესაბამისად გამოქვეყნდეს პრესაში და განთავსდეს უნივერსიტეტის ოფიციალურ ვებ გვერდზე;
5. ბრძანება ძალაშია ხელმოწერის დღიდან.


რექტორი



ა. ფრანგიშვილი

ვიზა:

სამართლებრივი უზრუნველყოფის  
დეპარტემენტის უფროსი



ბ. მაისურაძე



საქართველოს ტექნიკური უნივერსიტეტის ინსტიტუტ ტექნიფორმის დირექტორის  
ვაკანტური თანამდებობის დასაკავებლად ღია კონკურსის საკვალიფიკაციო  
მოთხოვნები და კონკურსისათვის წარმოსადგენი დოკუმენტების ჩამონათვალი

საკონკურსო საკვალიფიკაციო მოთხოვნები:

- ა) დოქტორის ან მასთან გათანაბრებული აკადემიური ხარისხი;
- ბ) ინსტიტუტის პროფილით მუშაობის არანაკლებ 5 წლის სტაჟი;

კონკურსში მონაწილეობის მიღების მსურველებმა საკონკურსო განცხადებას თან  
უნდა დაურთონ:

- ა) განმცხადებლის პირადობის დამადასტურებელი მოწმობის ასლი;
- ბ) კალენდარული ავტობიოგრაფია (CV);
- გ) ამონაწერი შრომის წიგნაკიდან;
- დ) დოქტორის ან მასთან გათანაბრებული აკადემიური ხარისხის  
დამადასტურებელი დიპლომის ასლი;
- ე) სამოქმედო პროგრამა.